



5. marts 2010

UPA 2010/156

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

EM10 pitinnagu sioqqutsillutik Naalakkersuisut kalaallit ilinniartut inuuniarnermikkut atugaat pillugu misissuititsinissaat pillugu Inatsisartunut aalajangiiffigisassatut siunnersuut. Misissuinerup periarfissiisutigissavaa Kalaallit Nunaanni Danmarkimi, nunanilu allani ilinniartut atugaasa assersuussinnaalernissaat siunertaralugu ilinniartut atugaasa allannqortissinnaalernissaat.

(Katusseqatigiit Partiiat, Demokraatit Inuit Ataqatigiillu Inatsisartuni ilaasortaataat)

Tungavilersuut:

Inuusuttagut, nunatta tamarmiusup siunissaata sanarfinerani toqqammavigisussaavagut. Tamatumunnga atatillugu pingaarpoq eqqarsaatigissallugu, sapinngisamik inuusuttut amerlanersaasa piginnaatitsisumik ilinniagaqarsimanissaat.

Nalunngilarput imaaliallaannaq ilinniartoqarsinnaanngitsoq. Ilungersortariaqarpoq uangullu Kattusseqatigiit Partiianni, Demokraatini Inuit Ataqatigiinnilu qularinngilarput, inuusuttut piareersimasut ilinniakkamik naammassinninniaanissaminut.

Taamaakkaluartorli pissutsit allat aamma piareersimasariaqarput ilinniagaqassagaanni. Ineqartariaqarpoq, atuagaqartariaqarpoq, aningaasassaqaqartariaqarpoq (ilinniarnersiutit) aamma minnerunngitsumik ilinniarfissaqaqartariaqarpoq.

Ilinniarsiutit eqqarsaatigalugit ilumoorpoq, maani nunatsinni suut tamarmik ilinniarneqarsinnaanngimmata. Allatut ajornartumik ilinniarsuuttut ilaat nunanut allanut – Danmarkiuernerusumut – ilinniariartariaqartarput. Tamanna tungavigalugu Kattusseqatigiit Partiiata, Demokraatit Inuit Ataqatigiillu pingaartilluinnarpaat inuusuttut ilinniartut ilinniartoqatiminnut allanut naleqqiullutik ajornerusumik atungaqannginnissaat – taamaappoq

nunaminni ilinnialerumaartussat eqqarsaatigalugit allallu nunanut allanut ilinniariartorumaartussat. Taamaattumik pingaartupilussuuvooq, kalaallit nunaminni, Danmarkimi nunanilu allani ilinniartut atugaasa misissuiviginissaat siunissami ilinniarnersiuteqartitseriaaseq naapertuunnerpaaq nassarissagutsigu.

Misissuinermi ilinniartuunermi atukkat tamarmik ilanngunneqaqartariaqarput aamma misissorneqaqartariaqarpoq sutigut pitsanngorsaasoqarsinnaanersoq, taamaasilluni siunissami ilinniarnersiuteqartitseriaaseq paasissutissanik tungavilersorluakkanik aallaaveqarniassammat. Taamaattumik pisariaqarpoq misissuinermi kalaallit ilinniagaqartut kattuffiisa suleqatigilluarnissaat oqaloqatigilluarnissaallu, isumaqaratta takku ilinniartut atugaat pillugit ilisimasaqarnerpaajusut.

**INUIT ATAQATIGIIT
INATSISARTUNI**



Taamatut oqarluta Naalakkersuisut akissuteqarnissaat kiisalu partiit allat saqqummiussassaat qilanaarluta utaqqissavagut.